



Issue 001: March 28, 2013

Published by: BEBA

BEBA ta InForma.

Na tur nos miembronan, a ta nos promé edishon di nos boletin informativo “BEBA ta InForma”.

Manera e nòmber mes ta bisa BEBA lo hasi uso di boletin aki pa “Informá” i “Forma” su miembronan.

Den e promé edishon aki nos ke para ketu na e siguiente tema/puntonan:

- **Kiko ta quorum?**
- **Aprobashon statuto nobo di BEBA**
- **1 Minüt di silencio**
- **Kompetensha diseño di logo**

Kiko ta quorum?

Un palabra ku últimamente ta bini dilanti den reunionnan di BEBA ta “Quorum”

Quorum ta un mínimo kantidat di miembro/(persona) rekerí durante un reunion general p’asina votashon/aprobashon di sierto tópikonan i/òf asuntunan por tuma lugá i alabes tin valides, basa riba e statutonan i reglanan di un organisashon. (Den kaso di BEBA referí na artíkulo 8 insiso 3 di e statuto vigente).

A kontinuashon dos ehèmpel di quorum:

BEBA	Ehèmpel 1	Ehèmpel 2
Total di miembronan di e organisashon	300 miembro	300 miembro
Total di miembronan presente na reunion	151 miembro	145 miembro
Quorum?	Si	No
Durante e reunion aki	Votashon / Aprobashon tin valides	Votashon / Aprobashon no tin valides

Aprobashon statuto nobo di BEBA.

Kambionan stipulá den BW2 (Burgelijk Wetboek II) a trese kuné ku BEBA mester hasi adaptashon na su statuto.

E adaptashon di e statuto a tuma lugá i e mester wòrdu aprobá dor di miembresia di BEBA.

Dia 16 di Febrüari 2013 e proseso di aprobashon a kuminsá na Sint Maarten.

Djasabra último, dia 23 di Mart 2013 aprobashon a tuma lugá na Boneiru.

Pa Kòrsou, 18 di Mart último e mínimo kantidat di miembresia rekerí pa pasa na aprobá e statuto no tabata presente.



Reunion General dia 18 di Mart 2013.

Konforme nos statuto vigente mester yama un di dos reunion, pa trata i aprobá e statuto. Esaki lo tuma lugá:

“Djaluna, 8 di April 2013, na edifisio di SSK, entre 17:30 – 18:30”



Issue 001: March 28, 2013

Published by: BEBA



Edificio di SSK: Schouwburgweg 44.

Kompetensha – diseño di logo

En konekshon ku e statuto, struktura i organisashon nobo, Federation of Financial Unions (FFU), BEBA ta organisá un kompetensha entre su miembresia pa diseñá un logo nobo pa e organisashon, FFU.

E periodo di e kompetensha ta di 2 di April - 30 di April 2013. Dia 13 di Mei 2013 lo saka e ganadó.

Mas detaye di e kompetensha lo wòrdu anunsiá durante e siguiente dianan.

Puntonan di agènda lo ta:

- *Opening*
- *BEBA new statutes approval*
- *Update companies' CLAs*
- *Questions*
- *Closure*

Nos ta supliká tur nos miembresia pa por favor hasi akto di presensia pa asina nos por logra forma quorum i aprobá e statuto nobo.

1 Minüt di silencio

Durante e reunion aki BEBA a pidi 1 minüt di silencio na honor di ex-presidente Desmond James, kual a bai sosegá dia 11 di Mart 2013.



1 Minüt di silencio pa ex-presidente Desmond James.